

Programi i Qendrës Kombëtare Burimore për Shoqërinë Civile për vitet 2022-2025

Qendra Kombëtare Burimore për Shoqërinë Civile në Shqipëri në tre vitet e ardhshme, vijon ofrimin e shërbimeve për sektorin dhe të gjithë aktorët e interesuar me një program edhe më të pasur dhe të larmishëm.

Qendra është një nismë e Partnerëve Shqipëri për Ndryshim dhe Zhvillim, e nisur në vitin 2019, e cila zbatohet në partneritet me Qendrën Shqiptare për Popullsinë dhe Zhvillimin (ACPD) dhe Lëvizjen Evropiane në Shqipëri (EMA), me mbështetjen e Bashkimit Evropian.

Që prej krijimit, Qendra ka konsoliduar rolin e saj si një platformë për shoqërinë civile në nivel kombëtar e lokal, në mbështetje të fuqizimit të kapaciteteve të sektorit, nxitjes dhe lehtësimit të dialogut në politikëbërje dhe përpjekjeve advokuese për një mjedis mundësues.

Si pjesë e programit 2022-2025, përmes zyrave në Tiranë, Shkodër dhe Vlorë, shërbimeve online si dhe aktiviteteve në qytete të ndryshme të vendit, Qendra Burimore do të mbështesë organizatat e shoqërisë civile, rrjetet e OSCH-ve, grupimet informale, aktivistët dhe aktorë të tjera të shoqërisë civile me një gamë të gjerë shërbimesh të konsoliduara por dhe programe të reja dizenjuar posaçërisht në përgjigje të nevojave të identikuara në sektor.



Shërbim mbështetës dhe informim

Informacion

mbi (i) Sektorin jofitimprurës, kuadrin ligjor dhe zhvillimet e sektorit për OSCH-të, rrjetet e OSCH-ve, donatorë, institucionë, dhe aktorë të tjerë të interesuar brenda dhe jashtë vendit; (ii) Mundësi financimi në vend, rajon, Evropë e më gjerë në nivel global; (iii) Procese konsultuese të institucioneve në nivel qendror e vendor, Parlamentit, donatorëve etj., (iv) Evenete publike të hapura për pjesëmarrje për OSCH-të etj.

Asistencë direkte dhe online

për organizatat dhe rrjetet e OSCH-ve për të adresuar nevojat e tyre për zhvillim organizativ dhe nisma advokuese.



Shërbim ligjor për organizatat e shoqërisë civile, grupimet informale të aktivistëve.

Si pjesë këtij shërbimi Qendra Burimore do të ofrojë:

- (i) **Informim dhe Edukim Ligjor për OJF-të** lidhur me aksesin në institucionet e administratës publike, aksesin në sistemin gjyqësor të subjekteve OJF, udhëzime të përgjithshme për formalitet e kërkesave / kërkesë-padive, procedurat, etj.
- (ii) **Këshillim ligjore në lidhje me:** kriimin, funksionimin, çregjistrimin ligjor për OJF; licencimin e OJF-ve, regjin tatimor për OJF (veprimtari jofitimprurëse jo-ekonomike dhe ekonomike); detyrime të OJF për deklarime dhe raportime; legjislacioni AML dhe CFT (kundër pastrimit të parave dhe luftës kundër financimit të terrorizmit) i zbatueshëm për OJF; OJF-të si punëdhënës dhe në marrëdhëniet me vullnetarët; marrëdhëniet kontraktore, përfshirë kontrata financimi etj. Më shumë informacion lidhur me këtë shërbim dhe si mund të përfiton prej tij gjendet këtu. Ky shërbim i ri mundësohet me mbështetjen e Ambasadës së Shteteve të Bashkuara të Amerikës në Tiranë.



Rrjetëzim për organizatat e shoqërisë civile

në nivel lokal, kombëtar, rajonal e më gjerë. Qendra do të vazhdojë pasurimin e Direktorisë online të OSCH-ve në faqen e internetit të Qendrës Burimore; pasurimin e informimit për rrjete organizatash në vend, rajon e më gjerë si dhe organizimin e eveneve rrjetëzuese.



Ndërmarrje e nismave advokuese, lehtësim i përpjekjeve advokuese të sektorit dhe dialogut ndërinstitucional

për një pjesëmarrje më të madhe dhe më efektive në politikëbërje dhe zbatim.



Mbështetje për OSCH-të për arritjen e standardeve më të larta

në qeverisjen e organizatave; manaxhimin e burimore njerëzore dhe financiare; transparencën dhe llogaridhënien ndaj përfituesve, anëtarëve e mbështetësve; advokimin e përgjegjshëm dhe ndërtimin e partneritetave dhe rritjen e besimit të publikut.

Qendra Burimore do të vijojë të shërbejë si **Sekretariat i Kodit të Standardeve për OSCH-të në Shqipëri**, duke synuar të përmirësojë efektivitetin e punës së organizatave jofitimprurëse dhe rritjen e besimit të publikut në sektor.



Fuqizim kapacitetesh për organizatat dhe rrjetet e OSCH-ve.

Bazuar në vlerësimë të përvitshme të nevojave të sektorit si dhe në kërkesa të organizatave apo nevoja që lindin nga zhvillimi i dinamikave lidhur me sektorin dhe jo vetëm, Qendra Burimore ka dizenjuar një sërë programesh trajnimi dhe asistence për periudhën 2022-2025.

Programe në vijim

- **Akademia e OJF-ve**, një program vjetor që kontribuon në rritjen e kapaciteteve të drejtuesve dhe manaxherëve të OJF-ve. Iniciuar që prej vitit 2015 nga Partnerët Shqipëri për Ndryshim dhe Zhvillim, Akademia e OJF-ve është konsoliduar si një program edukimi dhe zhvillimi joformal për përforcimin e aftësive dhe kompetencave të drejtuesve dhe manaxherëve të organizatave të shoqërisë civile në mbarë vendin, nëpërmjet një kurrikule unike, metodave më bashkëkohore të të nxenit si dhe përvojave shumëdimensionale të shkëmbimit të eksperiencave nga vendi, rajoni, Evropa e më gjerë.
- **Programi i Asistencës Teknike për Rrjete, Koalacione dhe Grupime Informale** të OSCH-ve, në mbështetje të zhvillimit të tyre institucional dhe iniciativave advokuese.
- **Programe trajnimi rajonale** dizenjuar sipas kërkesave të OJF-ve apo bazuar në vlerësimet periodike të nevojave që Qendra Burimore kryen. Për vitin 2022 trajnimet kryesisht do të fokusohen në ngritjen e fondevë^[i] dhe përdorimin e mënyrave alternative (Crowdfunding etj.) që sigurojnë më shumë mbështetje dhe qëndrueshmëri për organizatat lokale.



Programe të reja

- **“Manaxhim dhe monitorim i granteve”**- program trajnimi dizenjuar për organizata të cilat ofrojnë mbështetje financiare për OSCH të tjera, përmes skemave të ndryshme të nën-grantimit kryesisht me fonde të BE-së dhe donatorëve të tjerë;
- **“Gjenerimi i të ardhurave për OSCH-të nga shërbimet me pagesë, produktet dhe asetet”**
 - program afatgjatë trajnimi dhe mentorimi për organizata të interesuara në zhvillimin e strategjive dhe planeve në ngritjen e fondevë dhe gjenerimin e të ardhurave nga produkte dhe shërbime konkrete me pagesë. Si pjesë e programit do të mundësohen takime OSCH-Biznese me qëllim krijimin e urave të bashkëpunimit dhe eksplorimin e mundësive konkrete të partneritetit mes dy sektorëve.
- **“Vullnetarizmi dhe pjesëmarrja e OSCH-ve në Programet e BE”** - programe rajonale trajnimi dhe mentorimi të OSCH-ve nga mbarë vendi për të rritur njohuritë dhe procesit të akreditimit për t'u bërë pjesë e programeve të vullnetarizmit në nivel Evropian.
- **“EU aquis, angazhimi dhe roli i OSCH-ve në procesin e integrimit të vendit në BE”** - programe rajonale periodike trajnimesh për forcimin e mëtejshëm të njohurive të OSCH-ve dhe rritjen e kontributit të tyre në grupet ndërinstitucionale të punës, përgjatë fazave të procesit të integrimit evropian dhe negociatave për pranimin në BE.

Një risi tjetër e programit të Qendrës Burimore në këto vite, është dhe organizimi i **“Javës Kombëtare të Shoqërisë Civile”** dedikuar sektorit për të promovuar punën dhe kontributin e tij. Me një seri eventesh organizuar nga OSCH-të në të gjithë vendin, Java do të ofrojë më shumë mundësi për rrjetëzim dhe dialog ndërinstitucional për çështje me rëndësi për sektorin dhe zhvillimin e vendit.



info@resourcecentre.al



[@resourcecentre.al](https://resourcecentre.al)



<https://resourcecentre.al>

[1] Bazuar edhe në gjeljet e Vlerësimit Vjetor të Gjendjes së Mjedisit Mundësues dhe Kapaciteteve të Shoqërisë Civile në Ballkanin Perëndimor dhe Turqi, përkundrejt Udhëzimeve të Bashkimit Evropian për Mbështetjen e Shoqërisë Civile në Vendet e Zgjerimit 2014-2020, në kuadër të projektit të Asistencës Teknike për Organizatat e Shoqërisë Civile (TACSO 3) në Ballkanin Perëndimor dhe Turqi, financuar nga Bashkimi Evropian.